

cem elevatis; apice sinuato-truncata, lateribus deflexa, profunde punctata, atra, nitida, margine semper concolore, nigro ciliato.

Corpus punctatum, atrum, nitidum, abdominis segmentis apice margineque nigro-ciliatis.

Pedes validi, tibiis anticis interne, tarsis anticis subtus testaceo-pilosis.

Habitat in cadaveribus passim.

Necrophoro germanico, mihi in Sibiria nondum occurrenti, forsan valde affinis; at elytra margine semper concoloria, et macula clypei parva.

7. *Leptura variabilis*.

L. 9 maculata Mus. Boeber:

Thorace subspinoso nigra, elytris latis aut nigris, humero subtus pallido, aut nigro pallideque variis, sutura apiceque nigris.

Var. 1. Tota nigra, elytrorum lateribus subtus plus minusve pallidis.

Var. 2. Elytris nigris, macula baseos, duabus marginis, duabus versus apicem, margineque exteriori subtus pallidis.

Var. 3. Elytris nigris, macula baseos, tribus disci, una versus apicem, margineque exteriori subtus pallidis.

Var. 4. Elytris nigris, macula obliqua baseos, annulari disci, transversa apicis margineque exteriori subtus pallidis.

Var. 5. Eadem, maculis primis vel omnibus versus suturam confluentibus.

Var. 6. Eadem, macula apicis in duas divisa.

Var. 7. Eadem, macula annulari interrupta.

Var. 8. Var. 1, 4, 5, 7, inveniuntur antennis, pedibus et ano vel nigris vel ferrugineis.

Descriptio.

Statura L. interrogationis, at variat multo major.

Caput profunde punctatum nigrum, palpis aut nigris aut ferrugineis. Antennae, articulis parum elongatis, aut nigrae, articulo secundo apice ferrugineo, ultimis fuscis, aut ferrugineae.

Thorax brevis, angustus, subcylindricus, disco elevatus, parum impressus, basi apiceque depressus, subspinosus, niger, obscurus.

Scutellum triangulare, punctatum, nigrum.

Elytra brevia, subconvexa, thorace multo latiora, profunde punctata; apice parum attenuata, rotundata et depressa.

Corpus tenerrime griseo-pubescentibus; subtus nigrum, ano et pedibus vel nigris vel ferrugineis. Var. 2, 3, 6 rarae; reliquae mense maio et Junio in Rosis aliisque floribus saepe et inter se in copula inveniuntur.

8. *Leptura dubia*.

Fabr. syst. eleuth. 2. 364.

Thorace obconico nigra, elytris attenuatis testaceis, punctis tribus baseos, macula disci alteraque apicis nigris.

Descriptio.

Statura medium tenet inter L. 4 fasciatam et attenuatam, magnitudo L. attenuatae.